

2 Yoane Yoaneŋe ekap betŋan kulemguop.

O bukulpine,

¹⁻² Yeŋe Kiristo Bulâŋe Amboŋahâlen biwiyenŋe kepeinetâ Anitâŋe yâkât pat kuyiŋgimu mansai. Nenne yâk orop biwinnenŋe kepeiakmâ konohâk otmu manmâ yâhâmbisâin. Yakât otmâ nâ kunyeŋe manmâ galemyongom mansanne, nâŋgâyiŋgim ekap yu kulemgum katiŋgian. Otmu lohimbi nombotŋe Kiristohâlen biwiyenŋe kepeim mansaiŋe gurâ nâŋgâyiŋgiai.

³ Awoŋnenŋe Anitâŋe nanŋe Kutdânenŋe Yesu Kiristo orop nâŋgâningim tihitnenŋe otmutâ biwinnenŋe sânduk sâekgât naŋgan. Yawu otningimutâ yâk yetgât wâtyetŋan kinmâ den bulâŋeâk alahum buku oraŋgim mannom.

Biwinnenŋe kepeiakmâ konohâk otmu buku oraŋgim mannom.

⁴ Nenne Kiristohât den bulâŋe lâum mannomgât Anitâ Awoŋnenŋe sâm kalop. Yakât otmâ yeŋgâlen gâtŋe nombotŋe Kiristohât den tiŋâk lâum mansai ya yekmune âilonŋo otmu herone nâŋgâyiŋgiman.

⁵⁻⁶ Yakât otmâ yuwu sâmune nâŋgâŋet. Yen kerekŋe biwiyenŋe kepeiakmâ konohâk otmu buku oraŋgim manmâ yâhânomaihât emelâk den kâsikum yiŋgimune nâŋgâwi. Den kâsikum yiŋgiwan ya yiwerenŋe yawuâk kulemgum katiŋgian. Yakât otmâ nenŋe yen orop yawuâk biwinnenŋe

kepeiakmâ konohâk otmu Anitâhât den lâum buku oranġim manmâ yâhânôm.

Lok perâkne yengât sâop.

⁷ Lok perâkne yengât yuwu sâmunne nângânet. Lok perâkne dondâhâlâkne Kiristohât lohimbî nengâlen torokatbî. Yamâ nenne yâk orop biwinenņane ki kepeiakmâ konohâk otmu manbin. Yawu manbin ya pilânenekmâ ari yuwu sâm lohimbî ekyongomai. “Lohimbî nengât tihînenne olâkgât Anitâne Yesu Kiristo himbimâmbâ ki hângângumu giop. Yâhâmâ lohimbî nen yuwuya,” yawu sâm Yesu mem ge katmai.

⁸ Yâhâ nenne Kiristohât den pat âlepne kâsikum yingimunne nângânetâ bulâne otmu yâkât âi meņetâ, manman âlepņahât bulâne âlâlâ teteyingimu mansai. Bulâne ya yawuâk teteyingim yâhâwuapgât biwiyenņe galemahom mannomai. Yawu otmâ yâkât âi tiņâk mem mannomai otmuâmâ sâp patoen yakât hâmenņe Anitâne dopyenņan ikņiâk ikņiâk yingimu menomai.

⁹ Lohimbî nombotņane bukulipyenņe den kâsikum yingimai yan Kiristohât den bulâne yakât andemņe wangim yenne nângân nângân torokatmai. Lohimbî ya yengât nângâmunnne yâkne Anitâ orop biwiyenņane ki kepeiakmâ konohâk otmu manmai yawu otmap. Yâhâ lohimbî nombotņe âlâneâmâ Kiristohât den tâņ tâņâk kâsikum yingimai. Ya yengât nângâmunnne yâkne Awonņenņe Anitâ yet nanņe Yesu Kiristo orop biwiyenņane kepeiakmâ konohâk otmu manmai yawu otmap.

¹⁰ Yakât otmâ lohimbi âlâ me âlâne yengâlen taka Kiristohât den andemne wangim âlâ kâsikum yinginomai yamâ emetyejan ki dâim yâhâ katyekmâ sot um yinginomai. Me ki herone otyingim yâk orop den huhunomai.

¹¹ Yâhâ herone otyingim yâk orop den huhunomai otmuâmâ yâkne den perâkne lohimbi kâsikum yingimai yakât matne Anitâne yâk yingiwuap ya yen gurâ yawuâk yingimu menomai.

Den bâine sâm hâreop.

¹² Nângân nângân âlâlâ biwinan tap ya hârohâk kulemgum katyingimbâm yamâ nângâmune umatne otmu pilâm den pâne tâlâwâk yu kulemgum katyingian. Yâhâ hâmbâi nâne yengâlen takamune enaknom yanâmâ den yu torokatmâ alahum herone nannginginomgât nanngan.

¹³ Otmu Anitâne kapi yu ambolipne meyekmâ Kiristohât pat kuyingimu manmai yane orowâk nângâyingian.

Nâ bukuyeje,
Yoane

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Mar 2025 from source files dated 31 Aug 2023

995083d2-705e-5a60-af47-1e36806cccbc